



VIRUM

QUONDAM

MAGNIFICUM,

PRÆNOBILISSIMUM, EXCELLENTIS-
SIMUM ATQUE AMPLISSIMUM**B. ADRIAN. STEGERUM,**SENATUS LIPSIENSIS SENIOREM, CIVITATIS
CONSULEM, SCABINATUS ASSESSOREM, SCHOLÆ ET
TEMPLI THOMANI ANTISTITEM UNDIQUA-
QUE MERITISSIMUM,

MAGNUM PARENTEM

CUM

MAGNO FILIO,

VIRO

ILLUSTRI, MAGNIFICO ATQUE EXCEL-
LENTISSIMO DOMINO,

DOMINO

D. ADRIANO STEGERO,JCTO CONSUMMATISSIMO, SACRÆ CÆSA-
RÆ ET CATHOLICÆ MAJESTATIS CONSILIARIO, UT
ET SACRÆ REGIÆ MAJESTATI POLON. ET ELECT. SAXON.
A CONSILII AULÆ ET JUSTITIÆ, REIPUBLICÆ LIPSIEN-
SIS HACTENUS PROCONSULE, ET AD D. PETRI ÆDEM
ANTISTITE UBIVIS FIDELISSIMO ATQUE
GRAVISSIMO,MÆCENATE SUO, OMNI, QUA DECET
SUBMISSIONE VENERANDO,

COMPARAT,

ATQUE HUIC,

CUM SPLENDIDISSIMAM

CONSULIS

IN REPUBLICA LIPSIENSI PROVINCIAM

OMNIBUS APPLAUDENTIBUS BONIS

DIE XXV. AUGUSTI A. O. R. M. DCC. XXI.

FELICISSIMIS AUSPICIIIS SUSCEPISSET,

DEVOTISSIMIS VERBIS

GRATULATUR

JOHANNES GOTTLIEB ROSE,MITTWEIDA-MISNICUS,
SS. THEOL. CULTOR.

LIPSIÆ,

LITERIS IMMANUELIS TITII.

VIRUM

QUONDAM

MAGNIFICUM

PRINCEPS

BADRIANO STEGRO

RECTOR

MAGNIFICENTEM

CUM

MAGNO

VIR

MAGNIFICENTIA

DOMINO

BADRIANO STEGRO

RECTOR

MAGNIFICENTIA

COMPARAT

CUM

CONSTITUTIS

RECTOR

MAGNIFICENTIA

JOHANNES GOTTLIEB ROSE

MAGNIFICENTIA

RECTOR

MAGNIFICENTIA





Fortes creari fortibus & bonis, non solum Poëtae Venusini (1) effato edocemur, sed multa præterea exempla in Civili pariter atque Literaria Historiâ curiosorum observationi ultro sese offerunt idem confirmantia. Hic sæpe numero vides Filios paternis vestigiis laudabili modo insistentes, paternasque virtutes ac eruditionem æmulantes, & propterea iisdem, in quibus antea parentes conspiciantur, honorum fulgentes fastigiis. Quemadmodum enim in avibus aquilæ non imbellem progenerant columbam: in quadrupedum genere leones gignunt leonem: & in plantarum regno myrtus myrtum producit: neque uvas dulces squalidis ex agris colligimus, ita multum, quid quod? plurimum valet ad virtutis indolem paternus sanguis, neque facile parentibus splendidis virtutibus multum exornatis geniti naturam dediscunt, qui generosæ mentis igniculos inde a luce natalium conceptos, non extingui aut sopiri sinunt. Plurima hujus rei, quantum ad Eruditos spectat, collegit exempla Vir muneris gravitate, ac eruditionis splendore maxime conspicuus Dn. D. *Godofredus Ludovici*, SS. Theologiæ Professor, & Gymnasii, quod Coburgi floret, Casimiriani Director celeberrimus, qui (2) ex universo Eruditorum choro *Filios*, (*Generos & Discipulos*) qui in *Patrum suorum (Socerorum & Præceptorum) muneribus* successerunt, in scenam produxit. Mihi idem confirmandi argumentum exoptatissimam jam præbet occasionem **VIR ILLUSTRIS, MAGNIFICUS atque EXCELLENTISSIMUS, DN. D. ADRIANUS STEGERUS**, Jctus Consummatisimus, Sacræ Cæsareæ & Catholicæ Majestatis Consiliarius, ut & Sacræ Regiæ Majestati Polon. & Elect. Saxon. a Consiliis Aulæ & Justitiæ, Reipublicæ Lipsientis hæctenus Pro-Consul & ad D. Petri ædem Antistes

) 2

(1) Carminum Libro IV. Od. 4. v. 29.

(2) in Exercitatione Historico-Morali de hoc argumento conscripta, Schleusingæ 1709. in 4.

tistes undiquaque meritisimus, dum Beatissimi Parentis, MAGNIFICI quondam atq; EXCELLENTISSIMI DN. ADRIANI STEGERI, Viri ob eximias virtutes & splendidissima merita in omnium bonorum animis adhuc viventis, & quamdiu boni superstites erunt, victuri, quantum virtus coli, eruditio acquiri, prudentia exerceri potest, hæcenus ex asse hæres fuit, jam vero idem quoque gravissimum *Consulatus Lipsiensis munus*, de quo *Beatissimus Pater* olim immortaliter fuit meritis, humeris suis impositum cum effusissimo totius Reipublicæ plausu videmus. Nec defunt quidem inter Jure Consultorum Filios dignissimi doctissimique Parentum suorum doctissimorum Successores. Quamvis enim Jenensium Professorum Juris Filios plerumque degenerare non ita pridem a malevolis fuerit disseminatum; quam ob rem tum quoque Studiosus, Viri aulici, majoris dignitatis filius, cujus Pater, Juris Professor Jenæ extiterat, ad suam ignominiam spectare ratus, gladio cum adversario, calumniam palam repetere auso, decertavit; nihilominus tamen Illustres *Schreæteri, Struvii, Muhlpsfortii, Frisii*, Jctorum Jenensium Filii celeberrimi non solum istam injuriam vivis exemplis refellunt, (3) verum etiam aliis in locis Jure Consultorum Filii nequaquam degenerarunt, sed splendidissimi Parentum extitere Successores. Provoco ad *Franciscum Mariam Buccaferreum*, cujus fastigium tantis auctibus fortuna extulit, ut Pater Hieronymus, Buccaferreus, Jctus Italus, in eadem, qua ipse docuit, cathedra, Filium istum Jus publice viderit docentem. (4) Accersit *Ortolphum Fomannum*, qui Anno MDCXX. summam in Jure lauream reportavit, & Professione Historiarum Poeseosque ante obita A. MDCXXXV. constitutus fuit Professor Juris, Assessor Curia Provincialis Saxonica, & Scabinatus Ordinarius, quæ ipsa munia suis quoque cervicibus sustinuerat Pater Ortolphus Fomannus senior. (5) In scenam produco *Georgium Ludovicum Frælichium*, qui Patre gavissus Conrado, Jurium Licentiate, Advocato Laugingano, & Consiliario Palat. Neoburgico, ipse in eadem dignitate a Principe Palatino Neoburgico, *Philippo Ludovico* constitutus, simulque Cancellarius electus est. (6) Offert se mihi *Georgius Im Hoff*, Patricius Norimbergæ natus, ibidemque Senator, & post alia munera Duumvir electus, quibus muneribus etiam ejus non Pater solum, sed & Avus atque Proavus olim gavisi sunt. (7) Jungit se huic *Bartholomæus Marchtallerus*, Matthæi Marchtalleri, Ratisbonæ Senatoris & militiae Præfecti Filius, & ipse Senator Militiæque Præfectus. (8) Cygneæ anti-

- (3) Referuntur hæc ex Dn. D. Gviliemi Hieronymi Brückneri, Juris Professoris Publici Jenens. Programmate Inaug. d. 19 Junii M. DCC. VII. edito in Novis Literariis Germaniæ M. DCC. VII. Menf. Octobr. p. 358.
 (4) Vide Jacobi Phil. Thomasini Elogia, P. II. pag. 120. & ex eodem supra jam laudati Ludovici Exercitacionem allegatam pag. 7.
 (5) Vid. M. Joh. Casp. Zeumeri Vitas Professorum Jurium omnium, qui in Illustri Academia Jenensi ab ipsius fundacione ad nostra usque tempora vixerunt, Jenæ edit. A. 1705. pag. 107. & ex eodem Ludovici Exercit. citat. pag. 11.
 (6) Vide Freheri Theatrum Virorum Eruditione Clarorum, P. II. Sect. IV. p. 991.
 (7) Videatur Freherus cit. loco pag. 1150. (8) Idem Freherus pag. 1159.

antiquissima est *Muhlportiorum* familia, refertque Zeumerus in vita *Wolfgangi Wertheri Mühlport*, quam inter ipsius Vitas Professorum Juris in Academia Jenensi legimus, eandem quondam Cygneæ Consulatum continua serie per centum & quinquaginta annos prudenter gessisse. (9) Quis dubitabit, in illa plures Filios & Patrum successores deprehendi? Illis annumerandus etiam erit *Johannes Henricus Obrechtus*, qui Prætor Regius Argentorati a Rege Galliarum, & Successor Parentis Illustris, Ulrici Obrecht, Prætoris Regii, Anno M DCC I. demortui constitutus fuit. (10) Huc jure suo meritoque spectat *Johannes Georgius Richter*, Norimbergensis, J. U. D. Reipublicæ Patriæ Consiliarius ac Advocatus, iisdem, quibus Pater, Georgius Richter defunctus erat, officiis, a Reipublicæ Patriæ Senatu admotus. (11) Gallia nobis sinit binos *Scævolas Sammarthanos*, Patrem & Filium, & utrosque Consiliarios & Historiographos Regis Galliarum. (12) Eadem exhibet *Petros Segvierios*, pari cognationis vinculo ligatos, & summo Supremæ Curie Parisiensis Præsidis munere gavisos. (13) Succedit *Henricus Strobandus*, qui varia Parentis sui, Johannis, Assessoris Judicii Terrestris, Consul & Regis Poloniæ, Thorunii Burgravii, in patria Thorunio Magistratus officia gessit, cum non solum Scabinus Judicii Civilis, & Assessor Judicii terrestris Culmensis atque Senator, sed & Consul atque Burgravius Regius fuerit constitutus. (14) Idem *Vogleris* contigit Hamburgi, nam Pater *Nicolaus* ad clavum Reipublicæ sedit, & Filio *Hieronymo* consulares fasces etiam commissi fuerunt. (15) Et quem latet, inter Jure-Consultos Galliæ seculo superiore inclaruisse duos *Andreas Tiraqueolos*, Curie Parisiensis Senatores Regios, Patrem liberorum, atque librorum in lignum genitorem fecundissimum, & Filium istius Successorem Scriptorumque editorem. (16) Verum haud opus est, plura, quanquam possem, (17) cumulare exempla, cum Inclyta Lipsia illustrissimum omnique excep-

(3) ptio-

- (9) Vid. D. Ludovici Exercitationem alleg. pag. 18.
 (10) Vide *Hamburgische Remarquen*, A. 1702. pag. 46. & D. Ludovici Exercit. pag. 18.
 (11) Videatur Memoria Richteriana in Wittenii Memorii & Actorum, pag. 277. it. in Molleri Homonymoscopya, pag. 717. & ex eo D. Ludovici in Exercitatione sua Historico-Morali alleg. pag. 24.
 (12) Vid. eadem Ludovici Exercitatio, p. 28.
 (13) Ibidem, pag. 29.
 (14) Henrici Strobandi Vitam fuscè descripsit Melchior Adami in Vitis Germanorum Jure-Consultorum & Politicorum, pag. 428. seqq. ex quo sua desumpsit Freherus in Theatro Virorum Eruditione clarorum, P. I. Sect. IV. pag. 982.
 (15) Vide D. Joh. Alberti Fabricii Memorias Hamburgenses edit. Hamburg. Anno 1710. pag. 150. seqq. & imprimis M. Joh. Adolphi Fabricii, Sacerdotis Hamburgensis Elogium in Hieron. Voglerum, quod ibidem in citat. Fabricii Memorii Hamb. pag. 163. seqq. legitur.
 (16) Vide Ludovici Exercit. sæpius jam citat. pag. 29.
 (17) Possem commemorare binos Molleros, qui Hamburgi Syndicatum optime & felicissime gesserunt, de quibus Fabricii Memoriz Hamb. pag. 364. pluribus agunt; nec reticere duos nobili genere natos ab Osterhausen, Patrem & Filium, Scholæ Elect. Port. Inspectores, de quibus confer Freherum cit. loc. p. 1177. Ex multis aliis etiam commemorare duos Pibrachios, Senatus Tholosani Præsides, de quibus vide Vitas Selectas quorundam eruditissimorum ac illustrum virorum Vratislaviæ editas A. 1711. p. 31. seqq.

ptione majus nobis jam sistat. Vidit olim VIRUM MAGNIFICUM & EXCELLENTISSIMUM, ADRIANUM STEGERUM, Seniore, præter alia munera, de quibus immortaliter meritis est, Consulari toga indutum, eundemque omnium prudentium virorum Phœnicem, publici Consilii Principem, Tutorem Republicæ, Musarum Ducem atque Vindicem, & quæ civilium honorum Summa est. Patriæ Patrem, adeoque lumen & decus incomparabile dixit. (18) Sed hodie in eodem culmine maximo cum lætitiæ affectu cernit *Filium*, VIRUM IL-LVSTREM & EXCELLENTISSIMUM, DN. D. ADRIANUM STEGERUM, paternarum Virtutum, meritorum, dignitatumque hæredem certissimum, utrumque sibi ipsi simillimum. Sive enim nomen, sive animi dotes, sive virtutes, eruditionem & merita denique spectes, statim convinceris, *Filium Magnum Magni Parentis* imaginem referre perfectissimam, atque *Hunc in Illo* reviviscere. Uterque *Nomine*, Genti Stegerianæ fere proprio innotescit. *Patens* gavisus est *Adriani* nomine; eo gaudet etiam *Filius*, quod omnis loco in primo huic statim imponebatur ortu, siquidem Pater filium Gentis Stegerianæ splendorem atque gloriam futurum certo sperans, suo ipsium nomine insigniri voluit. Quantis utrumque animi viribus divina instruxit indulgentia! Ingenium præcox & vegetissimum, judicium acre & rectissimum, memoriam nunquam fallacem, sed semper tenacissimam in *Seniore STEGERO* plurimi sunt admirati, quandoquidem imprimis eximium *Memoriæ* memorabilis exemplum præbuit Viro ob rem litterariam insigni laude conspicuo atque doctissimo Dn. M. Carolo Friderico Pezoldo. (19) Sed qui nostro STEGERO has animi divitias denegare vellet, certe Soli lucem, Stellis splendorem, Igni calorem denegaret. Hadrianus Romanorum Imperator, memoria tam invicta erat, ut etiam locorum minoris notæ, fluviorum, militumque singulorum nomina sciret. (20) Certe STEGERUS *noster* eandem memoriæ vim possidet, ex ejusdemque sinu, quæ unquam vidit, audivit, observavit, statim potest depromere. Ad Virtutes quod attinet, in *utroque STEGERO* magnam earum quasi sylvam invenies. Hic autem veniam facile impetrabo, si temporis parcendi, viriumque imbecillium memor, nullatenus omnes, (quis enim possit?) sed tantum potiores *utriusque* virtutes enarrare constitui, inter quas tanquam inter fulgidissima sidera Sol, inter pretiosissimas gemmas Adamas, inter grata metalla Aurum, *Pietas* erga DEUM in *utroque STEGERO* nobis conspicienda datur. Venerandus *Senex* STEGERUS, qui illustre suæ pietatis exemplum per omnem vitam dedit, veritati nullo non tempore consentaneum putavit, Pietatem ad omnes res gesta que hominum maxi-
me

(18) Confer de eo Magnif. Dn. D. Pippingii *Memorias Theologorum*, p. 1058. it. Magnif. Dn. D. Schmidii *Orat. Panegy.* in B. STEGERVM A. 1701. habitam.

(19) in *Dissertatione de Memoria Memorabili*, Cap. III. §. 14. pag. 30.

(20) Vide Hoffmanni *Lexicon Universale*, Tom. II. pag. 443.

me conducere, ac præsentis & futuræ vitæ promissionem comitem habere certissimam. Quotquot cum noverunt, eum repurgatam a corruptelis, Lutheri opera, doctrinam solide percepisse, praxi veræ pietatis omnibus viribus studuisse, ei imperterrita constantia adhæsisse, cum impietate perpetuum bellum suscepisse, cœlestia secum cogitasse, DEO cultum publicum publicis sacrisque in cœtibus maxima cum animi voluptate præstitisse, preces domi statas solennesque, instituisse, atque divinas sanctæ religionis literas diurna nocturnaque manu voluisse confirmant. Rara licet præsentis sæculo hæc sit pietas, nihilominus tamen eam cum Parente communem habere. **FILIUM ILLUSTRUM**, atque **EXCELLENTISSIMUM**, eidemque vitæ sanctimoniam ingenue ac sine fūco se dedisse, ad liquidum explorata veritas est. Quæras ex eo, quid perfectio Consuli pretiosissimum conciliet ornamentum? Respondet Pietas. Hæc enim spectatissima virtus, cui cœlestia sunt cura, tutissimum ad honorum ejus, quod diutius jam conscendit, culmen, pandit viam; Hæc studiorum ejus fundamentum posuit; hæc inceptum eorundem cursum felicissimo successu direxit; hæc ad propositam eum perduxit metam; hæc diligentiam ejus ad ardua semper tendenti pulcherrimam addidit coronidem. Wittebergenfis olim Academiam Cicero, *Augustus Buchnerus* Symboli loco usus est: *Unum est necessarium, Pietas*: Perfecto cui **ILLUSTREM STEGERUM** novisse contigit, ob pietatem quoque, qua ductus semper animo volvit, ore affirmat, vita exprimit: Unum est necessarium, Pietas: Patrem referre affirmabit. Spirat ejus pietatem Templi Petri cura, quæ maximis ejus annumeranda venit. Testis est Codex sacer ab eo lectionibus creberrimis toties perlectus, ut ad unguem fere memoria illum teneat. Testes sunt preces calidissimæ, quas domi & in templis, quæ cum alias sæpissime, tum animam sanctissimo Salvatoris epulo refecturus, maxima cum devotione frequentat, ad **DEUM** fundit. Testes sunt & extranei & domestici, quorum numero ne præter omnem meam expectationem & merita interesse jus sit, quibus limpidissimum pietatis speculum se præbet. Uti vero Pietas fundamentum reliquarum virtutum jure suo dicitur: ita quoque **STEGERORUM** pietatem totus illarum comitatur chorus. Prudentiam desideras? Sectaris Justitiam? Quæris beneficentiam? Cupis humanitatem? Vis integritatem? Rogas diligentiam? Urges constantiam in adversis? **STEGERUS SENIOR** ad vivum omnes expressit, meritoque in Lessu sepulchrali, quo mortem *Beatissimi Parentis* persectus est **FILIUS ILLUSTRIS**, cecinit:

*Anchora sacra Domus nostræ, Urbis firma columna,
Præsidium justis, terror erasque malis.*

Verum ne latum unguem quidem a virtutum tramite, quem *Pater* olim trivit, *Filius* fecesit, & quemadmodum jam Candorem atque Integritatem, qua *Parentem meritissimum* imitatur, deprædicavit supra jam lauda-

laudatus Dn. M. Pezoldus (21) ita quod hanc reliquasque virtutes paternas, quarum ex affe hæres est, quotidie coram intueri mihi sit integrum, inter præcipuas felicitatis meæ partes refero. Non enim vulgares & quotidianæ sunt ejus virtutes, sed plane singulares; hinc latere in tenebris haud potuerunt, sed lucidissimorum fiderum instar emicuerunt. Omnes, quotquot sunt, quotquot erunt, *Stegeriani nominis* admiratores, laudabunt Prudentiam singularem **ILLUSTRIS STEGERI**, eumque propterea velut alterum Argum (22) summis laudibus exornabunt. Quid vero de Justitia, Beneficentia, Humanitate reliquisque fere innumeris ejus virtutibus commemorem prius, quid deinde, in tanta rerum dicendarum ubertate, qua in omnes partes distrahitur mens imbecillis, anceps sane hæreo atque incertus. Quid quod? Certe mihi persvadeo, neminem unquam tanta fuisse eloquentia, neque tam divino atque incredibili genere dicendi, qui omnes illas Splendidissimas virtutes, quibus aliis antecedit **ILLUSTRIS STEGERUS**, non modo augere, aut ornare oratione, sed enumerare aut consequi possit. Omnes in eum illæ prædicationes quadrant, quas de Scipione Africano minore Vellejus Paternulus (23) protulit, fuisse videlicet paternis virtutibus simillimum, omnibus togæ dotibus ingeniique ac studiorum eminentissimum seculi sui, qui nihil in vita nisi laudandum aut fecerit, aut dixerit, aut fenserit. Idem vero judicium de *utriusque Eruditione* erit faciendum. Singularis illa erat in *Beatissimo Stegero*, nec minor in *Filio* utinam diutissime! superflite. *Hadrianus Turnebus*, Professor Regius Parisiensis, *verus Antiquitatis thesaurus ac doctorum velut princeps*, merito Barthio dictus est, studiorumque tantus in illo ardor fuit, ut ne nuptiarum quidem die ab illis abstinuerit. (24) Qui **STEGEROS nostros** omnis eruditionis thesauros vocabit, nequaquam in veritatem impinget. Istos enim tam in Patria, quam exteris Regionibus, quas eo fine adierunt, tanta cum industria quaesiverunt, ut veræ scientiæ solo auro colligendo defudantes scorias pigritiæ, negligentiae & voluptatis cane pejus ac angue destarentur. Hinc *Utriusque* mentem exarsciata Juris universi scientia implevit; hinc illis aditus ad interiora Philosophiæ patuit penetralia; hinc sanctioris doctrinæ mysteria *Parenti* tam nota fuerunt, ut varios, eosque summa eruditione Theologica referptos libros conscribere valuerit, quorum nonnullos prelo commisit typographico, melior vero eorum lu-

(21) in Dedicazione Tomi X. Miscellan. Lipsiensium.

(22) Vide diè gelehrte Faman, P. XLVI. ex qua aliquot Anagrammata in Illustrum STEGERUM huc apponere lubet. I. Dr. ADRIANUS STEGER, per puriss. Anagr. *Zst der andre Argus*. II. ADRIANUS STEGER, Juris utriusque Doctor, Consiliarius Aulicus, Pro-Consul & Antistes Tenpli Petriini per puriss. Anagr. Pro salute Patriæ Lipsiensis curis indefinenter vigilat: quin Viro totus Cultus factorum cordi est. III. D. ADRIANUS STEGER per puriss. Anagr. Re grandia studes.

(23) Historiæ Romanæ, Libro I. Cap. XII.

(24) Vide Hoffmanni Lexicon Universale T. II. pag. 444.

ce publica dignorum pars illud adhuc expectat. (25) *Filiusque* animam
 tam firmo tenent vinculo, ut ejusmodi scriptis elaborandis præter tem-
 pus aliis summe necessariis operis impendendum nihil deficiat. Hinc
 excellens in Historicis, Geographicis, Genealogicis reliquisque scientiis
 cognitio, ut omnium in se jam diu converterint admirationem, atque Bi-
 bliotheca vivæ & ambulans musea (26) ipsis esse visuerint. Tantis au-
 tem animi dotibus atque virtutibus instructus, tantaque eruditione pol-
 lens optime certe de Republica merebitur. Et hoc est, de quo in
 STEGERIS Lipsia jamdudum sibi est gratulata. Sive enim chorum,
 sive forum lustres, ubique tanquam inter sidera Sol, STEGER O-
 RUM emicant munera, & DEUS Ter Optimus Maximus ausibus
 illorum tanta semper incrementa dedit, ut ceu indulgentissimi Patres
 Patriæ curiam curare, tanquam experientissimi Hortulani Tem-
 pla, Hortos istos Supremi Numinis colere, tanquam providissimi Pa-
 stores gregem suæ fidei & dexteritati summæ commissum pascere po-
 tuerint. Quanta quæso fide, quanta industria BEATISSIMUS
 STEGERUS circa curam templi Scholæque ad D. Thomam, quibus
 præfuit, est versatus? Quanta dexteritate, quanta prudentia fuit
 conspicuus, si in Curia vel Præturam exerceret, vel Ædilis munia ad-
 ministraret, vel in Scabinatu jus diceret, vel denique summum Ur-
 bis in Consulatu gereret regimen? Fuit vere, quod de Tullio Cæsar
 profert, *ἀνὴρ λογίος καὶ φιλόπατρις, Vir disertus & amans patriam*,
 qui prudentia & curis perpetuis pro salute hujus Urbis & pro vita ci-
 vium, proque universa Republica excubuit, & proinde patriæ civi-
 busque suis domi salutaris, foris semper honorificus fuit: suis charus,
 exteris gratus. Nam etiam remotiora loca, quia fama ejus præcel-
 lens intra angusta spatia contineri haud poterat, MERITA STE-
 GERIANÀ, eorumque memoriam non tam picturis & marmore,
 quam in animis tenebunt. Nonne vero in huius sui Parentis Optimi
Merita tanquam speculum oculos direxit *Filius Illustris*? Quod de
 Boleslao III. Rege Poloniarum narrant Historici, qui auream Patris
 effigiem ex collo suo pendentem sæpius exosculatus esse, & quoties
 memorabile quid vel dicendum vel suscipiendum, appellasse ita fertur:
 Absit a me, absit, mi Pater, ut quicquam vel loquar vel agam, quod
 Regio tuo nomine non satis dignum videri queat; (27) Idem de
 STE-

(25) Merito igitur a Magnifico Dn. D. Pippingio, Politico-Theologis annumeratur in Appendice Sacri
 Decadam Septenarii, iisque annumerandus est, quos collegit Autor *des beschâfftigten Secretarii VI.*
Expedit. p. 578. seqq. & XII. Expedit. p. 118. seqq.

(26) Titulo Bibliothecæ vivæ & ambulantis Musei Longino Rhetori olim dato dignatus est Philip-
 pum Beroaldum Picus Mirandulanus, teste Voffio in *Instit. Orat. Lib. IV. p. 97.*

(27) Vide Clarissimi Hübneri *Historische Fragen, P. IV. pag. 491.*

STEGERO *nostro* affirmare possum. *Parentis* iste prudentiam
 intuetur ad consilium; mores deligit ad integritatem, totam vitam
 sibi proponit ad exemplum. Quid igitur mirum, quod Respublica
 Lipsiensium florentissima, quem sibi natum, sibi educatum, noverat,
 sibi quoque in Præsidium, decus ornamentumque afferit, inque summa
 & splendidissima vult conspiciere dignitate? Plurima jamdudum
 Prudentiæ, Sagacitatis & Industriæ Patriæ suæ charissimæ exhibuit
 specimina, Aedesque Petrina, quæ ut ex rudibus surgeret & in Tem-
 plum Spiritus Sancti divinis honoribus & cultibus dicatum inaugura-
 retur, providæ ejus curæ maximas refert gratias, & Curia Civitatis
 excelsa, in qua Senatoriam, Aedilitiam, & Pro-Consularem gerens
 dignitatem, omnibus animi corporisque viribus Reipublicæ prospere-
 xerit commodis, testimonia *meritorum suorum* ferunt omni fide di-
 gnissima. Quemadmodum autem hac ratione ne ovum ovo quid-
 dem similius esse poterit, quam *Stegero Parenti, Stegerus Filius?* ita
 par erat, eundem ad clavum Reipublicæ vocare, humerisque ejus
 onus Consulatus gravissimum, huic maxime paribus, tanquam alte-
 ri Atlanti imponere. Merita ipsius SUMMI PRINCIPIES
 optime norunt, eundemque tam *Augustissimus Imperator* quam *Se-
 renissimus Sarmatarum Rex* & *Saxonia Elector* ex diuturno jam tem-
 poris tractu a consiliis voluerunt esse; quidni & in Patriæ fastigium
 summum ascendere, & splendore suo universam Civitatem illustrare
 debuisset? Et hæc dignitas est, ILLUSTRIS & EXCELLEN-
 TISSIME STEGERE, *Macenas maxime*, quæ hodierno die
 TIBI confertur. Plaudet ideo tota, qua patet, Civitas, Gaudet
 Curia, in lætitiâ effunduntur Cives, Gratulantur Amicî, prosperi-
 rum Regimen optant Clientes. His etiam me jungere, calidis-
 simis illorum votis preces meas addere, & inter Solemnia hæc splen-
 didissima lætitiæ palmas sternere, osque meum in piâs gratulatio-
 nes & gaudia resolvere, ratio & fas dicitant. Gravissima profes-
 to hodie humeris TUIS imponitur moles, arduumque munus ad
 Reipublicæ clavum sedendi TUÆ fidei atque dexteritati committi-
 tur. *Quanta enim molis est*, inquit elegantissimus Scriptor, Justus Li-
 psius, (28) *ab uno capite, vel etiam a paucis, tot capita coerceri, &
 universam illam multitudinem, inquietam, discordem, turbidam le-
 niter redigi sub commune obedientia jugum?* Deorum titulo in ipsa sa-
 cra pagina (29) Magistratum insigniri, quis est, quem lateat? Quam
 Gellius Noctibus suis Atticis epigraphen imposuit: *Introite, nam &
 hic*

(28) in Præfatione Politicorum, sive Civilis Doctrinae Libris, de quibus honorificum Morhofii judicium extat Polyhist. Lit. L. I. Cap. XXII. pag. 264. 265. præmissa.

(29) Conf. Exod. XXI, 6. Pl. LXXXII, 6.

hic Divi sunt; omnibus Curiis cæterisque, ubi Magistratus colligitur, locis meretur inscribi. Verum quid gravius, quid onustius, quid difficilius est, quam DEI munere in terris fungi? In *Johannem Taurerum*, Theologorum Argentinensem, cum solus Philosophiæ Magister Tubingæ A. MDC XIV. die Januarii trigésimo renunciaretur, non nemo sic cecinit: *Mille Magistrorum hic vim vicemque gerit,* (30) Si verba ea leviter immutare integrum est, non dubito dicere, quod *crovium mille Magistratus, & præcipue Consul vim vicemque gerat,* quod judicium hominis in adulationem compositi videri forsitan posset, nisi adhuc esset intra verba populi Judaici unum Davidem cum decem subditorum millibus comparantis. (31) Talem vero in TE quoque veneramur, VIR ILLUSTRIS, Vicarium DEI, TU, quod nullus inficias ire audebit, omnium civium vimque vicemque geris, cur non & TE honoremus magnique faciamus? Cur non TIBI Gratiam celestem Viresque oneri pares a DEO quaramus? Hadriani VI Pontificis Romani Encomiasten atro quidam carbone notavit, quod laudes ejus deprædicans, solius Patriæ Lovanii, quod plantaverit, solius Academiæ, bonarum artium mercaturæ, Trajecti, quod irrigaverit, solius Cæsaris Caroli V. qui incrementa dederit, nullius vero DEI, Originis & fontis omnium bonorum nunquam exhauriendi, fecerit mentionem, addito Scommate: Hic DEUS nihil fecit. (32) Quilibet agnoscit, admiratur, æstimat, quæ natura in TE, VIR ILLUSTRIS, bona plantavit, quæ *Parentes beatissimi*, Præceptores Optimi, Diligentia indefessa, Patroni summi irrigando hortum animæ TUÆ profecerunt; Imprimis tamen Gratiæ divinæ, quæ coronidem operi bono imposuit; grates agunt maximas. Quam ob rem & eandem hodie ardentissimis precibus imploro, quo TUIS consilii saluberrimis imposterum, uti hæctenus, adesse, TUO Sausis salutem Reipublicæ respicientes fortunare, TUOS labores maxime arduos levare, TUA cœpta saluberrima ad finem exoptatissimum perducere, TEque in emolumentum Ecclesiæ, columnam Reipublicæ, splendorem Domus Illustris, auxilium Liberosum Spem optimam prodentium, refugium Clientum, mei ipsius, quam tanto adjutorio indignissimi, patrocinium, & ut uno verbo exprimam: Totius Civitatis & universæ Regionis Decus singulare, conservare velit. Natali quinquagesimo quinto, Potentissimi quondam

(30) Refertrem Clarissimus Thomas Crenius Animadversionum Philologicarum & Historicar. P. XV & ex eo Novorum Litterariorum Germaniæ collectores A. 1706, p. 253.

(31) Conf. 2. Sam. XVIII. 3.

(32) Vid. Joh. Læti Hiflor. Universalis, pag. 362. & ex eo Misander in Delic. Evangel. Tom. VIII. pag. 106. it. Ziegleri *Schauplatz der Zeit* P. II. pag. 1134.

dam Clementissimique Danorum ac Norvegorum Regis Christiani V. auspiciis Illustrissimi Comitis Gùldenlovii Senioris, nummus aureus signatus dicatusque est, effigiem Regis exhibens, cum inscriptione: **UTINAM. NON. POSSET. MORI.** Inferius additum: cl^o loc xclx. 15. April. Averso latere Pietas aræ adstabat, accenso igne vinalibans, cum epigraphæ: **HÆC. CURA. HOC. VOTUM.** (33) Si quid optarem, **VIR. ILLUSTRIS,** hoc etiam meum votum esset perpetuum: **UTINAM. STEGERUS,** **MÆCENAS. MEUS, NON POSSET MORI.** Cum vero hoc votum ventis loquerer incaustum, hoc saltem opto, ut, qualem Virum olim in Beatissimo Parente **T U O** habuit Lipsia, talem etiam in **T E** tanquam in novo Phœnice, & fausto Paterni nominis propagatore habeat. Quod enim **T U, VIR ILLUSTRIS,** jamjam in magno Parente **T U O** vivas, rectissime judicat, **T I B**ique, ut ejus annos non solum attingas, verum Nestoris quoque ad instar longe supergrediaris, precatur, atque **STEGEROS** in sera posteritate se visurum esse certissime **ILLUSTRIS NOMINIS TUI** cultor atque servus, Rosius, prætolatur. Dabam Lipsiæ d. 25. Augusti. M. DCC. XXI.

(33) Vide Pro-Rectoris Universit. Lipsienf. Programma Funerale ad D. Joh. Christiani Schambergii exequias invitans, edit. A. 1706.



78 M 496

ULB Halle 3
001 618 148



TA-506

KONP

017



VIRUM
 QUONDAM
 MAGNIFICUM,
 PRÆNOBILISSIMUM, EXCELLENTIS-
 SIMUM ATQUE AMPLISSIMUM
B. ADRIAN. STEGERUM,
 SENATUS LIPSIENSIS SENIOREM, CIVITATIS
 CONSULEM, SCABINATUS ASSESSOREM, SCHOLÆ ET
 TEMPLI THOMANI ANTISTITEM UNDIQUA-
 QUE MERITISSIMUM,
 MAGNUM PARENTEM
 CUM
 MAGNO FILIO,

ILLUSTRI,
 LA... B.I.G. Black
 ...QUE EXCEL-
 ...MINO,
 O

D. ADR
 JCTO CONSU-
 REÆ ET CATH-
 ET SACRÆ REG-
 A CONSILIIIS A-
 SIS HACTENUS
 ANTISTI-
 ...TEGERO,
 SACRÆ CÆSA-
 S CONSILIARIO, UT
 N. ET ELECT. SAXON.
 REIPUBLICÆ LIPSIEN-
 AD D. PETRI ÆDEM
 SIMO ATQUE

MÆCENA
 SUB... Red
 ...QUA DECET
 RANDO,

C
 IN REPU-
 OM-
 FELICI-
 ...MAM
 LIS
 PROVINCIAM
 US BONIS
 DCC. XXI.
 USCEPISSET,
 ER BIS

JOHA... Cyan
 ...IEB ROSE,
 CUS,

TITIL.

